

卷五

書名 大學衍義補一百六十卷首一卷目二卷
 正德元年刊本
 撰者 明 丘濬 撰
 卷 卷五
 內容分類 子- 儒家- 議論經濟- 明
 索書號 大木- 總類- 政論- 諸子- 45
 編號 C4491800

[彩色首頁1](#)

[東洋文化研究所漢籍目錄 編號 C4491800](#)

[東洋文化研究所漢籍目錄所藏漢籍善本全文影像資料庫 索書號: 大木- 總類- 政論- 諸子- 45](#)

[漢籍善本全文影像資料庫文本大學衍義補一百六十卷首一卷目二卷 正德元年刊本](#)

版權所有: [東京大學](#) [東洋文化研究所](#)
[使用上的注意事項](#)

大學衍義補卷第一

治國平天下之要

正朝廷

總論朝廷之政

臣按宋儒真德秀大學衍義格物致知之要既有所謂審治體者矣而此治國平天下之要又有正朝廷而總論朝廷之政何也蓋前之所審者治平之體言其理也此之所論者治平之政言其事也一主於知一主於行蓋必知於前而後能行於後後

0 1 2 3 4 5 6 7 8 9 ⁴ 30 1 2 3 4 5 6 7 8 9 ⁴ 21



大學衍義補卷第五

大學衍義補卷第五

治國平天下之要

正百官

總論任官之道

虞書皋陶謨曰無曠也庶官天工人其代之

蔡沈曰人君代天理物庶官所治無非天事苟一

職之或曠則天工廢矣可不深戒哉

臣按宋儒陳大猷曰天子能以一心察天下之

幾不能以一身兼天下之務任之庶官而已不

可使曠非無其人之為曠非其人之為曠也天



大學衍義補卷第五

下之事無一不出於天。天不自為人代為之一。官曠則一事闕矣。元儒吳澂亦曰：天子所事皆天之事，天以此事付之君，君不能自治而分之人，是度官所治之事皆代天而為之者也。噫！人君誠知人臣所治之事皆天之事而付於我者，其必不肯任用非人而致天事之曠，以得罪於上帝矣。

商書伊尹曰：任官惟賢才，左右惟其人。臣為上為德，為下為民，其難其慎，惟和惟一。為皆去聲

蔡沈曰：賢者有德之稱，才者能也。左右者，輔弼大

臣。人臣之職，為上為德，左右厥辟也。為下為民，所以宅師也。臣職所係，其重如此，是必其難其慎。難者，難於任用，慎者，慎於聽察，所以防小人也。惟和惟一，和者，可否相濟，一者，終始如一，所以任君子也。

臣按：為治之道在於用人，用人之道在於任官。人君之任官，惟其賢而有德，才而有能者則用之。至於左右輔弼大臣，又必於賢才之中擇其人以用之，非其人則不可用也。人臣之職在乎致君澤民，其為乎上也，必陳善閉邪以為乎君。

之德其為乎下也必發政施仁以為乎民之生
如此之人然後任之於左右俾其上輔君德下
濟民生既得如是之人非用之之難察之之謹
則其進也易而雜而僥倖之小人得以間之矣
非待之以協和信之以專一則其用也乖而貳
而正大之君子不得以久安矣吁方用之之初
則其難其慎既用之之後則惟和惟一其者必
然之辭惟者專一之謂人君致審於斯則知所
以任官之道矣

說命惟治亂在庶官官不及私昵也惟其能爵罔象

惡也德惟其賢

蔡沈曰庶官治亂之原也庶官得其人則治不得
其人則亂六卿百執事所謂官也公卿大夫士所
謂爵也官以任事故曰能爵以命德故曰賢惟賢
惟能所以治也私昵惡德所以亂也

臣按蔡沈謂庶官治亂之原蓋以為治亂皆本
於此也夫人君用人以圖治惟其賢能而用之
則國家之治原於此矣苟舍其賢者能者惟已
之所親愛者是用雖有可惡之德不問也如此
則列之五等布之庶位者皆不仁不義之人無

禮無智之士。天下豈有不亂者哉。

周書武成。建官惟賢。位事惟能。

蔡沈曰。建官惟賢。不肖者不得進位。事惟能。不才者不得任。

立政。王左右常伯。常任。準人。綴衣。虎賁。音奔周公曰。嗚

呼。休茲。知恤。憂鮮哉

蔡沈曰。王左右之臣。有牧民之長曰常伯。有任事之公卿曰常任。有守法之有司曰準人。三事之外。掌服器者曰綴衣。執射御者曰虎賁。皆任用之所當謹者。周公於是嘆息言曰。美矣。此官然知憂恤。

者鮮矣。言五等官職之美。而知憂其得人者少也。

臣按常伯。常任。準人。即下文所謂三事三宅。成

周官之別名也。牧民之長曰常伯。所謂宅乃牧是也。其虞廷四岳之任乎。任事之公卿曰常任。所謂宅乃事是也。其虞廷典禮典樂百揆之官乎。守法之有司曰準人。云者掌法之官。刑罰當如準之平。即所謂宅乃準也。又非虞廷士師之職乎。綴衣者。掌王之服器。居則張設者焉。虎賁者。執王之器械。行則防護者焉。是常伯常任。準人三者。國之大臣。以共理朝廷之政。綴衣

虎賁二者王之親臣以供奉服御之用宋儒呂祖謙謂職重者有安危之寄職親者有習染之移其繫天下之本一也職有大小而經綸康濟薰陶涵養賴焉知其美而加之憂廢不以非人處之矣林之竒亦謂主宅固不可不得人然進見有時虎賁綴衣之類則朝夕與王處最親且密苟非其人則主德內蔽大臣雖賢何所施其力哉綴衣即今內司設尚衣等監之職虎賁即今錦衣衛之職吁有大臣理國之政有親臣在君之側二者皆得其人則君之左右所聞所見者無非正理國之任用所施

所行者無非仁政任官如此天下豈有不洽哉禮記王制凡官民材謂凡民之有必先論之論謂考詳也

詳也論辨然後使之任事然後爵之位定然後祿之臣按此古者官人之法夫民莫不有材也顧上用之何如耳然民生草澤中林林總總之多者非在上者有以評論之於先又何以知其材而用之哉後世一惟資裕用人稽考簿書歲月次序無復先王論辨之意此所以任用不得其人而治效不古若也

緇衣子曰大臣不親有姓不寧則忠敬不足而富貴

已過也。大臣不治而適臣比私相矣。故大臣不可不敬也。是民之表也。適臣不可不慎也。是民之道也。君毋以小謀大。毋以遠言近。毋以內圖外。則大臣不怨。適臣不疾。而遠臣不蔽矣。

孔穎達曰。大臣離貳不與上親。政教煩苛。百姓不寧。是臣不忠於君。君不敬於臣。所以致然。由君與臣富貴已過極也。大臣不肯為君理治職事。由適臣與上相親比也。君無與小臣而謀大臣之事。無以遠臣共言近臣之事。無以內臣共謀外臣之事。所以然者。恐各為朋黨。彼此交爭。轉相陷害。故不

圖謀若能如此。則內外情通。小大意合。大臣不怨。恨於君也。近臣不為人所非。毀遠臣不被障蔽也。

臣按先儒謂此章言大臣不信而小臣之比。國之大患也。蓋大臣之任。國之安危繫焉。用之斯信之可也。居其任而不親信之。則下之人知其不為上所親信也。是以令之而不從。制之而不服。此百姓所以不寧也。所以然者。由臣之忠不足於君。君之敬不足於臣。徒富之貴之。至於太過焉耳。君以富貴養其臣。臣以富貴養其身為下者。不知盡忠以啓上之敬。為上者不復致敬。

以來下之忠。兩相乖貳，不相親信。如此則大臣不得治其事。嬖寵之小臣，相與親比，而大臣之柄反為所移奪矣。是故人君於大臣，必加敬焉，而不可輕。以其係國之治忽，而民所瞻望以為儀表者也。於邇臣，必致慎焉，而不可忽。以其係君之好惡，而民之所由以為道路者也。敬之則大臣得以治其事，慎之則邇臣不至於相比暱矣。不以小臣謀大臣，則大臣不至於怨乎。不以不使遠臣間近臣，則近臣不至於疾視其上。不使左右寵倖之臣圖謀四方宣力之士，則遠臣

之賢不為近臣所壅蔽矣。先儒謂小謀大，遠言近，內圖外，三者任臣之大害也。臣竊以謂遠言近者，百一二。小謀大者，什三四。內圖外者，什八九。人君任人之際，誠能親信大臣而敬之，審擇邇臣而慎之，則股肱得其人，而耳目不為人所蔽矣。嗚呼，可不念哉！

以上總論任官之道

治國平天下之要

正百官

定職官之品

舜典帝曰咨汝二十有二人欽哉惟時亮天功
朱熹曰二十二人四岳九官十二牧也周官言內
有百揆四岳外有州牧侯伯蓋百揆者所以統廢
官而四岳者所以統十二牧也

臣按天下之大非止一方也而統宗會元於國
都之中朝廷之上必君總治於上臣分治於下
然後事有統紀民有依歸而天下平定焉然君
一人而已所統之地非一所也所治之民非一
人也所行之事非一類也必欲事理民安而無
一處不到焉非立官以分理之不能得也自唐

虞之世已設官二十有二人以分理天下內焉
有九官而總之於百揆外焉有十二牧而總之
於四岳舜之咨命其於九官人各為之辭隨其
職而致其戒勉之意其於十二牧也則人共為
一辭其所分牧雖有不同而所以命之為民之
意則無不同也大抵天立君以為之子君立官
以為之臣無非為乎斯民而已蓋天生蒸民不
能以自治而付之君君承天命不能以獨理而
寄之臣則是臣所治者君之事君所治者天之
事也帝舜於受終告攝之後首詢四岳次咨十

有二牧然後及於百揆九官者豈不以百揆九官所治者事而四岳十二牧所牧者民凡夫朝廷之間百官庶務何者而非為民者乎帝既分命之又總告之而要其終於欽哉惟時亮天功之一語以見臣之事即君之事君之事即民之事民之事即天之事也我

朝內設六部即虞廷之九官外建十三布政司即虞世之十有二牧名雖不同而所理之事則一地雖有異而分牧之意則同其所以立制度明紀綱真可以為萬世法者也

商書說命乃進于王曰嗚呼明王奉若也順天道建邦

設都樹后王也天子君公也諸侯承以大夫師長不惟逸

豫惟以亂也治民

蔡沈曰明王奉順天道建邦設都立天子諸侯承以大夫師長制為君臣上下之禮以尊臨卑以下奉上非為一人逸豫之計而已也惟欲以治民焉耳

熊未曰明王奉若天道建邦設都樹后王君公承以大夫師長不惟逸豫惟以亂民至哉斯言世為人君者之龜鑑也桀惟不知此而湯有鳴條

之師紂惟不知此而武有孟津之會師曠言於晉
伏曰天之愛民甚矣豈其使一人肆於民上以從
其淫而棄天地之性為人君者聞此言可以悚
然懼矣

臣按天立乎君君奉乎天天固非以一人之故
而立其人以為君人君亦非以其人之故而以
之為諸侯大夫師長人君則當奉順天道人臣
則當承順君命天之道在生民人君之命亦在
生民人君知天之道為生民立我以為君則必
愛天之民而不肆虐於天之所生者而竭其力

盡其財以為私奉人臣知君之命為生民設我
以為諸侯大夫師長則必恤君之民而不敢肆
毒於君之所付者而竭其力盡其財以為私用
君則奉乎天而順之臣則承乎君而行之則生
民無不得其所者矣是則上天所以立君而明
王所以順天道定職官以為民者大意蓋如此
世之為君臣者惡可不知其所以然之故哉
周官唐虞稽古建官惟百內有百揆四岳外有州牧
侯伯政惟和萬國咸寧夏商官倍亦克用乂也治明
王立政不惟其官惟其人

蔡沈曰百揆四岳總治於內州牧侯伯總治於外
內外相承體統不紊故庶政惟和而萬國咸安夏
商之時世變事繁觀其會通制其繁簡官數加倍
亦能用治明王立政不惟其官之多惟其得人而
已

臣按此唐虞夏商四代之官是即上文所謂制
治未亂保邦未危之事明王所以立政者也蓋
官不在多惟在得人得其人則一人可以兼數
人之事不得其人雖叢數人不如得一人也此
唐虞之官惟有而治繼而夏商倍之為二百亦

克用治用是以保邦用是以制治所以上下相
承內外相維而永無危亂之患也論說官

堯典克明俊德以親九族
周禮少宗伯掌三族之別以辨其親疏

陳傅良曰堯典言九族而周禮言三族三族父子
孫也九族高祖至玄孫也三族舉其本九族極其
末舉三族則九族見矣

臣按施仁之序親親而後仁民為治之道齊家
而後治國故史臣紀堯之典於治效被格之後
即繼之以明德親族之言蓋以出治之本在此

也當時雖未設官。觀其叙親睦九族。於平章百
姓。協和萬邦之前。則其立言之序。輕重可見矣。
自成周以三族之別。掌於少宗伯之官。後世因
之列宗。正於九寺之中。殊失帝堯睦親之道。我
聖祖超然遠見。特立宗人府於六部之上。其秩一
品。專以皇親掌之。可謂得帝堯親族之深意。而
足以為萬世法矣。

漢高祖七年。初置宗正官。以叙九族。

臣按班固漢書表宗正秦官。掌親屬。蓋漢因秦
制而設之也。
宗人

周官立太師。太傅。太保。茲惟三公論道經邦。燮理陰
陽。官不必備。惟其人。

賈誼曰。保者保其身體。傅者傅之德義。師者道之
教訓。

少師。少傅。少保。曰三孤。特也貳公弘化。寅亮天地。弼予
一人。

胡安國曰。古者三公無其人。則以六卿之有道者。
上兼師保之任。冢宰或闕。亦以三公下行。端揆之
任。禹自司空。進宅百揆。又曰。作朕股肱耳目。是以
宰臣上兼師保之任也。周公為師。又曰。位冢宰正

百工。是以三公下行端揆之職也。所以然者。三公與王坐而論道。故難其人。而冢宰總百官。均四海。亦不易處也。

呂祖謙曰。案顧命。太保領冢宰。畢公領司馬。毛公領司空。別有芮伯為司徒。彤伯為宗伯。衛侯為司寇。則周時三公兼六卿。三公無職。六卿則有職者也。三公論道而六卿行道者也。以三公兼六卿。合本末精粗於一原也。

陳傅良曰。周之三公多是六卿兼之。但其人足以兼公。則加其公之職位。無其人則止為卿而已。三公三孤皆無其人。則闕焉而已。而六卿自若也。要之成周以三公三孤待非常之德。故曰官不必備。惟其人。

臣按公孤之職。夏商以前未有也。其名始見於此。昔大舜命伯禹總百揆。高宗爰立傳說作相。則成周之世未聞有是名。意者立公孤而以六卿兼之。是即揆相之任歟。我

朝稽古定制。革去前代中書省。倣六典立六部。而公孤之職。間以六卿兼之。其亦成周此意也。嗚呼。是職也。未易稱也。必其人果能論道經邦。

燮理陰陽然後可以當三公之寄果能貳公弘
化寅亮天地然後可以當三孤之任不然寧
毋備可也以上公孤

冢大宰也治掌邦治統百官均四海

蔡沈曰天官卿治官之長是為冢宰內統百官外
均四海蓋天子之相也百官異職管攝使歸于一
是之謂統四海異宜調劑使得其平是之謂均

臣按冢宰今吏部尚書之職

司徒徒者衆也主民掌邦教敷五典擾馴兆民

蔡沈曰地官卿主國教化敷君臣父子夫婦長幼

朋友五者之教以馴擾兆民之不順者而使之順
也

臣按司徒今戶部尚書之職但周時所掌者教

化後世則專理戶口財賦之事焉嗚呼唐虞二
代之時其民淳朴其於天理民彝無甚相悖焉
者猶且設官以掌之俾其敷布教條以馴擾夫
億兆之民後世風氣日漓民心不古顧無有大
臣以專掌教事所以禁之者僅見於刑官弼教
之設此亦可以觀世變矣

宗伯掌邦禮治神人和上下

蔡沈曰春官卿主邦禮治天神地祇人鬼之事和
上下尊卑等列春於四時之序為長故其官謂之
宗伯成周合樂於禮官謂之和者蓋以樂而言也
臣按宗伯今禮部尚書之職
司馬掌邦政統六師平邦國

蔡沈曰夏官卿主戎馬之事掌國征伐統御六軍
平治邦國平謂疆不得陵弱衆不得暴寡而人皆
得其平也軍政莫急於馬故以司馬名官何莫非
政獨戎政謂之政者用以征伐而正彼之不正王
政之大者也

臣按司馬今兵部尚書之職夫國之大事在戎
宋以樞密院專掌兵政與中書省並謂之兩府
今制設兵部以掌兵政所以統軍旅專征伐則
歸之五軍都督府焉兵部有出兵之令而無征
伐之權五軍有統兵之權而無出兵之令彼此
相維內外相制其法制之善前代所未有者也
司寇掌邦禁詰姦慝刑暴亂

蔡沈曰秋官卿主寇賊法禁群行攻劫曰寇詰姦
慝刑彊暴作亂者掌刑不曰刑而曰禁者禁於未
然也

臣按司寇今刑部尚書之職

司空掌邦土居四民時地利

蔡沈曰冬官卿主國空土以居士農工商四民順天時以興地利

臣按司空今工部尚書之職但周時所掌者度地居民量地制邑之事後世則專理營造工作之事焉

六卿分職各率其屬以倡九牧阜成兆民

呂祖謙曰六卿者萬事之綱也為天下者始於立綱紀故一曰邦治綱紀既立首教之以人道之大

故二曰邦教人道立則必有節文之者故三曰邦禮教立禮行而猶有干紀亂常者焉則將帥之事也故四曰邦政大罪陳之原野降此則有司之法在故五曰邦禁民遷善遠罪然後可以永奠其居故六曰邦土終焉六卿分職各率其屬以倡九牧阜成兆民為治體統上下相統內外交應本末具舉絲牽繩聯無一節不相關處天下雖廣會頭都在六卿上冢宰相天子而統百官則司徒以下無非冢宰之所統乃均列一職而併數之為六卿何也綱固在綱之中而首亦豈處乎身之外哉乾坤

之與六子並列於八方也。冢宰之與五卿並居於六職也。一也。

蔡沈曰：六卿分職，各率其屬，官以倡九州之牧，自內達之於外，政治明，教化洽，兆民之衆莫不阜厚而化成也。

臣按周禮每卿六十屬，六卿三百六十屬，六卿所分之屬在唐分為二十四司。

今制吏部四司，文選、驗封、稽勲、考功；戶部十三司，則分隸浙江等十三藩，仍量繁簡帶領直隸府州每一司內仍各分為民、度、金、倉、四科；禮部

四司，儀制、祠祭、主客、精膳；兵部四司，武選、職方、車駕、武庫；刑部十三司，如戶部之制，仍各分為憲、比、司、門、都官、四科；工部四司，則營繕、虞衡、都水、屯田也。司設郎中、員外郎、主事，以分主各部所掌之職，而統於尚書侍郎。吏部所掌則天下官吏選授、勲封、考課之政；戶部所掌則天下人民田土、戶口、錢糧之政；禮部則掌天下禮儀、祭祀、宴享、貢舉之政；兵部則掌天下軍衛武官選授、戎馬之政；刑部則掌天下刑名、徒隸、句覆、關禁之政；工部則掌百工、山澤之政。

大學衍義補卷第五
令六部統各司。各司分掌天下之務。如網之有網。如絲之有紀。上下相承。鉅細畢舉。其官屬雖無三百六十之多。其間脈絡相通。體統不紊。深得周官六典之遺意。自有周禮以來二千餘年。僅見行於

今日者也。臣伏觀

皇明祖訓有曰。自古三公論道。六卿分職。並不曾設立丞相。自秦始皇置丞相。不旋踵而亡。漢唐宋因之。雖有賢相。然其間所用者。多有小人專權亂政。今我朝罷丞相。設五府六部都察院。通政

司大理寺等衙門。分理天下庶務。彼此頡頏。不敢相厭。事皆朝廷總之。所以穩當。以後子孫做皇帝時。並不許立丞相。臣下敢有奏請設立者。文武群臣劾奏。將犯人凌遲。全家處死。嗚呼。此我

聖祖高見遠慮。超出百王之上。是誠有合於成周設官分職。以為民極之意。則是今日之五府六部卿佐。與夫都察院通政司大理寺。皆前代三省兩府執政之官也。雖無宰執之名。實理宰執之事。但其事一總於朝廷。而不顯顯任於一人。

是以百年以來朝廷無紛更之弊臣宰無專擅之禍上安其政下保其位如一日也說者猶云政權必有所在不有所統必有所歸其中不無旁落下移之處潛持默運之人苟非其人其弊有不可勝言者是以我

太宗皇帝即位之初即選文學之臣七人者俾居內閣專掌制詔凡

國家大典禮大政令大事幾皆得以預聞謨謀既定然後付所司行之不予以名而予以實實自是以為故事餘七十年于茲矣夫不予以

以名則下無作威作福之具予以實則上類詢謀咨訪之益其變置之善防患之深漢唐以來所未有者也以上六部

舜典帝曰龍朕既疾讒說殄絕行謂傷絕善震驚馬也朕師衆也其言不命汝作納言夙夜出納朕命惟允正駁衆聽也

朱熹曰納言官名命令政教必使審之既允而後出則讒說不得行而矯偽無所託矣敷奏復奏事也逆受下也必使審之既允而後入則邪僻無自進而功緒有所稽矣周之內史漢之尚書魏晉以來所謂中書門下者皆此職也

臣按納言今通政司之職我

太祖高皇帝命曾秉正為通政使諭之曰壅蔽於言者禍亂之萌專恣於事者權姦之漸故必有喉舌之司以通上下之情以達天下之政昔者虞之納言唐之門下省皆其職也官以通政為名政猶水也欲其常通無壅遏之患其審命令以正百司達幽隱以通庶務當執奏者勿忌避當駁正者勿阿隨當敷陳者毋隱蔽當引見者毋留難毋巧言以取容毋苛察以邀功毋讒間以欺罔公清直亮以處厥心庶不負委任之意

嗚呼後世人臣有居此職者服膺

聖祖此訓則非惟其職任之脩舉而於輔成

國家太平之治實亦有賴焉以上通政司

堯典乃命羲和羲和氏主作象授時之官欽敬也若順也昊廣大天

曆紀數之書象觀天之器日月星辰敬授人時耕作之候凡民

何者周禮馮相氏馮乘也相視也言掌十有二歲歲星所

次二十有二月所謂斗柄十有二辰所謂日月十日甲乙丙

庚辛二十有八星之位星即辨其叙事以會天位

保章氏保守也掌天星以志星辰日月之變動以觀

保章氏保守也掌天星以志星辰日月之變動以觀

天下之遷謂災祥禍福辨其吉凶以星土星所主辨
九州之地所封封猶界也封域皆有分星如角亢氐兗州房心豫州之類
以觀妖祥

臣按唐堯之義和成周之馮相保章即今欽天
監之職夫陶唐以前法制未立占步之術未詳
天道幽遠非有神聖之德不足以知之故帝堯
命官以義和為第一義自是以後紀數以書則
有一定之曆觀天之器則有一定之制故成周
馮相氏保章氏皆世其官以專其業不過春官
宗伯一屬吏而處於群僚之中而其所以命之

之始亦不復有如堯之欽敬也已雖然堯之所
以欽順乎天道即所以敬授乎民時也不徒總
命之於朝廷而又分命之於四方蓋象以正曆
曆以定時無非以為民而已成周之制則專主
於天而不及於民此堯舜所以為萬世法歟近
代制曆觀象之官往往以司天為名噫藐藐乎
惟天為大在人君者且當敬而順之夫豈一事
一物之職而臣下可司之乎我

聖祖改前代司天臺為欽天監得帝堯欽若之心
於數千載之上其敬天勤民之心可以為萬世

帝王法雖然欽之一言。非但人君所當盡。而任職之臣。尤不可不盡也。夏書曰。先王克謹天戒。臣人克有常。憲謹者。恐懼脩省。以消變異也。常憲者。奉法脩職。以供乃事也。為人君者。固當謹天戒於上。然非涖職之臣。奉法脩職。以供其事。則天戒之垂人君。容有不盡者矣。故先王尤嚴於畔官。離次。俶擾天紀之誅。夫謂之天紀者。歲月日星辰曆數也。曆數之法。久則不能無差。我

朝之曆。承元之舊。今用之百年餘矣。天道參差

不齊。久則有變。所以釐正之。而使千歲之日。至可坐而致者。政有在於

今日。以上。欽監。

天官膳夫。上士二人。中士四人。下士八人。府二人。史四人。胥十有二人。稜百有二十人。掌王之食也。飯飲漿。

膳也。性肉。蓋味者。以養王及后世子。

臣按膳夫。即今光祿寺官之職。膳夫。食官之長。自膳夫以下。庖人。內饗。外饗。烹人。等官。皆以士為之。屬於冢宰。秦時為大官令。漢始有光祿勳。然乃持戟宿衛之官。以之司膳羞。始於南北。

朝唐宋因之

今制光祿寺有四署。吳吳官。即周官庖饗之任。曰珍羞。即周官籩人之職。曰良醞。周官酒正。是也。曰掌醢。周官醢人。是也。夫人君一身為天地民物之主。宗廟社稷之所關。是尤不可以無所養。要必內養其德。外養其體。可也。膳夫所掌。食飲膳羞之類。雖以養君之體。而君之德亦於是乎繫焉。故用之必以其道。行之必以其時。苟肥甘鮮美之是耽。而貪冒沈酣之弗職。則所掌之人。為有罪矣。晉來公之宰夫。責司聰司明之罪。

其以此歟。雖然是職也。又非特供王后世子之膳。與其薦羞而已。凡祭祀之牲體。薦俎。賓客饗餐饗食。皆在所司。雖曰飲食口腹之奉。而皆大有所關係焉。屈到以薦。致譏陳平。以惡具反間。專諸以已首進食。生禍亂。是皆由於飲食之微也。是亦不可不戒。以上光祿寺

醫師掌醫之政令。聚毒五毒也藥五藥也以共醫事。凡邦之有疾病者。輕曰疾。重曰病。疝瘍者。頭瘡曰疝。身瘡曰瘍。則使醫分而

治之。歲終則稽其醫事。以制其食。

疾醫掌萬民之疾病。四時皆有瘍疾。以五味

酸甘辛鹹

五穀指麥黍稷豆五藥草木虫石穀養其病以五氣心肝脾肺腎所藏之

氣五聲發之聲五色五臟所發之色五臟所視也其死生

瘍醫凡療瘍以五毒攻之以五氣養之以五藥療之

臣按周禮醫師即今太醫院之職疾醫今所謂

內科也瘍醫今所謂外科也醫之說見於經典

始於商書若藥弗瞑眩厥疾弗瘳之一語蓋藥

所以攻病故醫師所掌之政令所聚之藥以毒

為先而瘍醫所療五毒之攻亦在五氣之養之

前其意可見矣夫治病用藥而用其毒如人之

馭惡人控猛獸非善於駕馭制伏者往往反受

其害苟非有傳授之素講貫之功一旦而何之

斯人死生之命不至於實實虛虛損不足益有

餘而夫闕人生也者幾希今世之業醫者挾技

以診療者則有之矣求其從師以講習者何鮮

也我

祖宗內設太醫院外設府州縣醫學醫而以學為

名蓋欲聚其人以數學既成功而試之然後授

以一方衛生之任由是進之以為國醫其嘉惠

天下臣民也至矣臣願究成周所以謂之醫師

國朝所以立為醫學之故精擇使判以上官聚

天下習醫者。俾其教之養之。讀軒岐之書。研張
孫之技。試之通而後授之職。因其長而專其業。
稽其事以制其祿。則天下之人。皆無夭闕之患。
而躋仁壽之域矣。是亦王者仁政之一端也。
以上

院太醫
以上定職官之品。臣按

國朝設官。不止於六部。通政司。光祿寺。欽

天監。太醫院也。而此定職官之品。不及五

軍都督府。見本條司馬下。及嚴都察院。見

類重基諫大理寺。見真刑憲類設太常寺

見秩祭翰林院。中書舍人。見本類簡侍六

紀類國子監。見崇教化類設太

僕寺。見嚴武備類禁衛。見嚴武備類京尹

監司府州縣。見固邦本類者各從其類也

大學衍義補卷第五